

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona", broj: 3/23 i 10/23), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine i broj: 02-11-11924/23 od 26.07.2023. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 31. sjednici, održanoj dana 10.08.2023. godine, d o n o s i

ODLUKU

o odobravanju sredstava za finansiranje/sufinansiranje rada javnih kuhinja iz sredstava Budžeta Zeničko-dobojskog kantona predviđenih za 2023. godinu

Član 1.

(Predmet)

Odobravaju se sredstva u iznosu od 343.400,00 KM (slovima: tristočetrdesettrihljadečetristo konvertibilnih maraka) udruženjima, vjerskim organizacijama i drugim koji organizuju rad javnih kuhinja na području Zeničko-dobojskog kantona iz sredstava Budžeta Zeničko-dobojskog kantona predviđenih za 2023. godinu, a koji su aplicirali na Javni poziv.

Član 2.

(Raspored sredstava)

Sredstva iz člana 1. ove odluke odobravaju se u skladu sa Pravilnikom o utvrđivanju kriterija za ocjenu i bodovanje prijava za rad javnih kuhinja koje se finansiraju/sufinansiraju iz sredstava Budžeta Zeničko-dobojskog predviđenih za 2023. godinu, broj: 09-11-8039-1/23 od 18.05.2023. godine i raspoređuju se kako slijedi:

r/b	Naziv	Sredstva:
1.	Udruženje "Mladi volonteri" -javna kuhinja Visoko	32.000,00
2.	HO "Merhamet" RO Maglaj	55.800,00
3.	HO "Merhamet" MDD RO Zenica	146.400,00
4.	Grad Zenica	92.200,00
5.	Humanitarno-karitativna organizacija franjevačke provincije Bosne srebrenе "Kruh Sv. Ante" Sarajevo	17.000,00
U K U P N O:		343.400,00

Član 3.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona", broj: 3/23 i 10/23) razdjel 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAD 207, naziv pozicije „Ostali socijalni transferi - Tekući transferi neprofitnim organizacijama“.

Član 4.

(Provođenje odluke)

(1) Za realizaciju ove odluke zadužuje se Ministarstvo za rad, socijalnu politiku i izbjeglice, Ministarstvo finansija, svako u okviru svojih nadležnosti.

(2) Ministarstvo za rad socijalnu politiku i izbjeglice Zeničko-dobojskog kantona će zaključiti ugovore o međusobnim pravima i obavezama sa udruženjima, vjerskim organizacijama i drugim koji organizuju rad javnih kuhinja na području Zeničko-dobojskog kantona iz člana 2. ove odluke.

Član 5.
(Izvještavanje)

Obavezuju se korisnici sredstava iz člana 2. ove odluke da Ministarstvu za rad, socijalnu politiku i izbjeglice dostave narativni i finansijski izvještaj o namjenskom utrošku sredstava do 31.12.2023. godine.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-12663/23

Datum, 10.08.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x udruženjima, vjerskim organizacijama i drugim

koji organizuju rad javnih kuhinja na području

Zeničko-dobojskog kantona, putem Ministarstva,

1x „Službene novine Zeničko-dobojskog kantona“,

1x a/a.